

Ríghe Conaire ag Cloinn Néill

[Williams, N. J. A.: *The poems of Giolla Brighde Mac Con Midhe* (Irish Texts Society 51, 1980), poem 16]

1 Ríghe Conaire ag Cloinn Néill;
oirdearc in Éirinn fhóidréidh
a guirt gheilmhíne ar gabháil,
deighríghe phuirt Pharthaláin.

2 Éire, fa hadhbhar deighsgeoil,
do mhéadaigh mac Eidirsgeoil
gan ghoid, gan éigin innte,
gan troid n-éidigh n-innillte.

3 Gan ghleo im Theamhraigh na dtrí bhFionn,
gan aimhréidhe in iath Éirionn,
gan bhéim ar millse miodhóil,
gan léim Innse Éiriomhóin.

4 Gan chuan in easbhaidh éisg gil,
gan leirg nach lán do thoirthibh,
gan tart i dtaobh gach moighe,
gan fhalc acht braon Bealtoine.

5 Gan ghaoith ós cionn a coillteadh
do ghluasacht ghort bhfearainntiugh,
gan cheo 'mun bhFódla bhfleadhaigh,
gan ghleo d'fhógra d'fhéinneadhaibh.

6 Gan easbhaidh gcnó ar choll ngéagach,
gan bhrughaidh nár bhóichéadach,
gan tnúth bhfir re fear dá mair;
fleadh i ngach thigh im Theamhraigh.

7 Gan Ghall in Éirinn uile,
gan fhaire, gan ionghuire;
Éire Chonaire gan chion:
forfhaire gléire Gaoidhiol.

8 An ríge chéadna ag Cloinn Néill;
Gaoidhil Éireann fa aoínréim;
léibheann gan urchra uile,
drumchla Éireann Úghuine.

9 Coillte Banbha, bun is ceann,
táinig síoth agus soineann;
gearrshaoghlach gach coll fa chnoibh,
neambaoghlach tonn dá tráchtuibh.

10 Do ionntó a caoin re Cloinn Néill
Fódla na bhfiodhbhadh mínréidh;
ráinig a bhféile ar a fad;
táinig Éire 'na hionad.

11 Do ionntódar a heatha,
do dírgheadh a droichbhreatha;
críoch shughFhódla 'na linn láin;
furfhógra gill do ghabháil.

12 Trí meíc Néill, dá nochtar mionn,
trí hadhbhair anríogh (?) Éirionn,
trí leomhain ar tí thachair,
trí heolaigh ré n-alltachaibh.

13 Trí coinnle gaisgidh Ghaoidheal,
trí catha gan chommaoidheamh,
trí seabhaic a Sléibh Uire
nach neamhait réim ríoghruidhe.

14 Trí cosantaigh crann sgeinghéar,
trí meic Cáinte Chritheirbhéal,
na trí Finn Eamhna a hEamhain
fa cinn fheadhna d'fhéinneadhaibh.

15 Trí tonna timchill Éireann
trí meic Néill na neirtchéimeann
.....
.....